

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

31 օգոստոսի 2006 թվականի N 1259-Ն

**ՎԱՃԱՌՔԻ ՀԱՄԱՐ ՆԱԽԱՏԵՍՎԱԾ ԿՈՇԿԵՂԵՆԻ ՀԻՄՆԱԿԱՆ ԲԱՂԿԱՑՈՒՑԻՉ
ՄԱՍԵՐԻ ՆՅՈՒԹԵՐԻ ՄԱԿՆՇՄԱՆ ՎԵՐԱԲԵՐՅԱԼ ՏԵԽՆԻԿԱԿԱՆ ԿԱՆՈՆԱԿԱՐԳԸ
ՀԱՍՏԱՏԵԼՈՒ ՄԱՍԻՆ**

«Ստանդարտացման մասին» Հայաստանի Հանրապետության օրենքի 8-րդ հոդվածի դրույթներին համապատասխան և ելնելով սպառողներին թյուրիմացության մեջ զցող գործոնների կանխարգելման անհրաժեշտությունից՝ Հայաստանի Հանրապետության կառավարությունը որոշում է.

1. Հաստատել վաճառքի համար նախատեսված կոշկեղենի հիմնական բաղկացուցիչ մասերի նյութերի մակնշման վերաբերյալ տեխնիկական կանոնակարգը՝ համաձայն հավելվածի:

2. Սույն որոշումն ուժի մեջ է մտնում պաշտոնական հրապարակման պահից մեկ տարի հետո՝ բացառությամբ սույն որոշման 1-ին կետով հաստատված տեխնիկական կանոնակարգի 9-րդ կետով նախատեսված՝ ներմուծվող կոշկեղենի համար նախատեսված պահանջի, որն ուժի մեջ է մտնում պաշտոնական հրապարակման պահից 2 տարի հետո:

**Հայաստանի Հանրապետության
վարչապետ**

Ա. Մարգարյան

2006 թ. սեպտեմբերի 9
Երևան

Տ Ե Խ Ն Ի Կ Ա Կ Ա Ն Կ Ա Ն Ո Ն Ա Կ Ա Ր Գ

ՎԱՃԱՌՔԻ ՀԱՄԱՐ ՆԱԽԱՏԵՍՎԱԾ ԿՈՇԿԵՂԵՆԻ ՀԻՄՆԱԿԱՆ ԲԱՂԿԱՑՈՒՑԻՉ ՄԱՍԵՐԻ ՆՑՈՒԹԵՐԻ ՄԱԿՆՇՄԱՆ ՎԵՐԱԲԵՐՑԱԼ

I. ԿԻՐԱՌՄԱՆ ՈԼՈՐՏԸ

1. Վաճառքի համար նախատեսված կոշկեղենի հիմնական բաղկացուցիչ մասերի նյութերի մակնշման վերաբերյալ տեխնիկական կանոնակարգը (այսուհետ՝ տեխնիկական կանոնակարգ) տարածվում է սպառողներին վաճառելու համար նախատեսված կոշկեղենի՝ արտաքին տնտեսական գործունեության ապրանքային անվանացանկի 6406 ծածկագրին համապատասխան հիմնական բաղկացուցիչ մասերի նյութերի մակնշմանը ներկայացվող պահանջների վրա:

2. Մույն տեխնիկական կանոնակարգը չի տարածվում՝

ա) օգտագործված և մաշված կոշկեղենի վրա,

բ) Հայաստանի Հանրապետության կառավարության 2004 թվականի նոյեմբերի 11-ի «Անհատական պաշտպանության միջոցների տեխնիկական կանոնակարգը հաստատելու մասին» N 1631-Ն որոշմամբ նախատեսված՝ ոտքերի պաշտպանության միջոցների վրա,

գ) խաղալիք կոշկեղեն:

(2-րդ կետը լրաց. 04.08.11 N 1103-Ն)

II. ՀԱՍԿԱՑՈՒԹՅՈՒՆՆԵՐԸ

3. Մույն տեխնիկական կանոնակարգում կիրառված են հետևյալ հասկացությունները՝
կոշկեղեն (կոշիկ)՝ արտաքին ներգործություններից ոտքերի պաշտպանության համար նախատեսված ներբանով արտադրատեսակ, որն ունի գործնական և գեղագիտական գործառույթներ: «Կոշկեղեն» հասկացությունը կարող է ներառել սանդալներից մինչև բարձրաճիտք կոշիկները՝ սկսած սովորական թելիկով ու ժապավենով կոշիկներից մինչև երկարաճիտք կոշիկներ, որոնք ծածկում են ոտքն ու ազդրը: Դրանք են՝

տափակ կամ բարձրակրունկ կոշիկներ, որոնք նախատեսված են ներսում կամ դրսում հագնելու համար,

կարճաճիտք, կիսաճիտք, երկարաճիտք և ազդրը ծածկող կոշիկներ,

տարբեր տեսակի սանդալներ, «եսպադրիլներ» (վերնամասը կտորից և արտաքին ներբանը հյուսածո բուսական նյութերից կոշիկ), թենիս խաղալու և վազքի համար նախատեսված և այլ սպորտային կոշիկներ, լոգարանային սանդալներ և այլ առօրյա կոշկեղեն (հողաթափեր և այլն),

հատուկ սպորտային կոշիկներ, որոնք նախատեսված են սպորտում գործունեության համար և (կամ) ունեն հարմարանքներ՝ արտաքին ներբանի վրա կցելու համար, սեպեր, մեխեր, արգելակներ, երկաթներ կամ համանման մասեր, ինչպես նաև դահուկավազքի, ըմբշամարտի, բոնցքամարտի և հեծանվավազքի համար նախատեսված և խառը համադրություններով՝ կոշիկին միացված մասերով (սառույցի կամ անվավոր չմուշկի) կոշիկներ,

պարային հողաթափեր,

կոշիկներ՝ կազմված մեկ կտորից, մասնակի ռետինե կամ պլաստմասսայե նյութից, սակայն բացառելով անհիմն նյութերի (թուղթ, պլաստմասսայե ծածկույթ և այլն) օգտագործումը, կրկնակոշիկներ, որոնք հազնվում են այլ կոշկեղենի վրայից և որոշ դեպքերում՝ առանց կրունկի են,

քայքայվող կոշկեղեն՝ կազմված արտաքին ներբանով, որոնք սովորաբար նախատեսված են մեկ անգամ օգտագործելու համար, օրթոպեդիկ կոշիկներ.

կոշկեղենի հիմնական բաղկացուցիչ մաս՝ կոշիկի վերնամաս, աստառ և միջատակ, արտաքին ներբան.

վերնամաս՝ կոշիկի ներբանին ամրացված կառուցվածքային տարրի արտաքին մաս.

աստառ և միջատակ՝ կոշիկի ներքին մասը կազմող՝ վերնամասի և ներքին ներբանի միջադիր.

աստառ՝ կոշիկի երեսի ներքին մանրակների լրակազմ՝ առողջապահական, ջերմապաշտպանական հասկությունները, ձևակայունությունը բարձրացնելու և ոտքը կոշիկի երեսի արտաքին մանրակների կարերից մեկուսացնելու համար.

միջատակ՝ կոշիկի ներքին մանրակ, որը տեղադրված է ոտնաթաթի ամբողջ մակերևույթի տակ.

արտաքին ներբան՝ կոշիկի ներքևի մաս, որն ամրացվում է վերին մասին և շփման արդյունքում կարող է մաշվել.

ներբան՝ կոշիկի տակի արտաքին մանրակ, որը տեղադրված է ոտնաթաթի ամբողջ մակերևույթի տակ.

կաշի՝ կաշի կամ մորթի իր յուրահատուկ թելքային կառուցվածքով, որը լրիվ կամ մասամբ վնասված չէ և դաբաղված է քայքայմանը դիմադրելու նպատակով: Մազածածկը կամ բուրդը կարող է հեռացվել կամ չհեռացվել: Կաշին կարող է պատրաստվել նաև մորթուց կամ կաշվե հոււմքից, որը մինչև դաբաղումը կամ դաբաղումից հետո բաժանվել է շերտերի կամ առանձին մասերի:

Արտաքին երեսապատում ունեցող ամրացված կամ սոսնձված կաշվի մակերեսային շերտերի հաստությունը չպետք է գերազանցի 0,15 մմ-ը:

Կաշի չեն համարվում մեխանիկական և (կամ) քիմիական ճանապարհով թելքային մասնիկների, փոքր մասերի կամ փոշու մասնատված և այնուհետև կապակցող նյութով կամ առանց դրա թերթերի (կտորների) կամ այլ ձևերի վերածված դաբաղված մորթին կամ կաշվե հոււմքը:

երեսապատված կաշի՝ կաշի, որի վրա կազմված մակերեսային պատվածքը չի գերազանցում արտադրանքի ընդհանուր հաստության մեկ երրորդը, բայց 0,15 մմ-ից ավելի է:




(3-րդ կետը խմբ. 04.08.11 N 1103-Ն)

III. ԿՈՇԿԵՂԵՆԻ ՀԻՄՆԱԿԱՆ ԲԱՂԿԱՑՈՒՑԻՉ ՄԱՍԵՐԻ ՆՅՈՒԹԵՐԻ ՄԱԿԼՇՄԱՆԸ ՆԵՐԿԱՅԱՑՎՈՂ ՊԱՀԱՆՋՆԵՐԸ

4. Կոշկեղենի երեք հիմնական բաղկացուցիչ մասերի վերաբերյալ տեղեկությունները ներկայացված են N 1 աղյուսակում:


Աղյուսակ N 1

Կոշկեղենի հիմնական բաղկացուցիչ մասի անվանումը	Գրավոր նշումը	Գծապատկերը
---	---------------	------------


<p>Կոշիկի վերնամաս</p>	<p>AM Վերնամաս</p> <p>F Tige D Obermaterial IT Tomaia NL Bovendeel EN Upper DK Overdel GR <i>ΕΠΙΛΩΜΕΡΟΣ</i> ES Empeine P Parte superior CZ Vrch EST Pealne LV Virsa LT Viršus HU Felsőrész M Wičć PL Wierzch SI Zgornji del SK Vrch BG лицева част RO Față</p>	
<p>Կոշիկի աստառ և միջատակ</p>	<p>AM Աստառ և միջատակ</p> <p>F Doublure et semelle de propreté D Futter und Decksohle IT Fodera e Sottopiede NL Voering en inlegzool EN Lining and sock DK Foring og bindsel GR ΦΟΔΡΕΣ ES Forro y plantilla P Forro e Palmilha CZ Podšivka a stélka EST Vooder ja sisetald LV Odere un ieliekamā saistzole LT Pamušalas ir įklotė HU Bőrlés és fedőtalpbőrlés M Inforra u suletta PL Podszewka z wyściółką SI Podloga in vložek (steljka) SK Podšivka a stielka BG подплата и стелка RO Căptușeală și acoperiș de brant</p>	
<p>Կոշիկի արտաքին ներքան</p>	<p>AM Արտաքին ներքան</p> <p>F Semelle extérieure D Laufsohle IT Suola esterna NL Buitenzool EN Outer sole DK Ydersel GR ΣΟΛΑ ES Suela P Sola CZ Podešev EST Väljalald LV Ārējā zole LT Padas HU Járótalp M Pett ta' barra PL Spód SI Podplat SK Podošva</p>	

(4-րդ կետը փոփ., լրաց. 04.08.11 N 1103-Ն)


5. Կոշիկների հիմնական բաղկացուցիչ մասերի համար պետք է օգտագործվեն հետևյալ նյութերը՝ ա) կաշի, որի գծապատկերը պետք է համապատասխանի 1-ին նկարում ներկայացված պատկերին՝

 <p>Նկար 1</p>	<p>AM Կաշի F Cuir D Leder IT Cuoio NL Leder EN Leather DK Læder GR Δ EPMA ES Cuero P Couros e peles curtidas CZ Useň EST Nahk LV Āda LT Oda HU Bőr M Ġilda PL Skóra SI Usnje SK Useň BG кожа RO Piei cu față Naturală</p>
---	---


բ) երեսապատված կաշի, որի գծապատկերը պետք է համապատասխանի 2-րդ նկարում ներկայացված պատկերին՝

 <p>Նկար 2</p>	<p>AM Երեսապատված կաշի F Cuir enduit D Beschichtetes Leder IT Cuoio rivestito NL Gecoat leder EN Coated leather DK Overtrukket læder GR ΕΠΕΝ Δ Ε Δ Υ- ΜΕΝΟΔΕΡΜΑ ES Cuero untado P Couro revestido CZ Povrstvený useň EST Kaetud nahk LV Pārklāta āda LT Padengta oda HU Bevonatos bőr M Ġilda miksija PL Skóra pokryta SI Krito usnje SK Povrstvená usen BG кожа с покритие RO Piei cu față corectată</p>
---	---

զ) Հայաստանի Հանրապետության օրենսդրությամբ նախատեսված բնական մանածագործական նյութեր և արհեստական (սինթետիկ) կամ չգործված մանածագործական նյութեր, որոնց գծապատկերը պետք է համապատասխանի 3-րդ նկարում ներկայացված պատկերին՝

 <p data-bbox="349 714 446 745">Նկար 3</p>	<p data-bbox="669 325 1015 357">AM Մանածագործվածք</p> <p data-bbox="669 367 933 903"> F Textile D Textil IT Tessili NL Textiel EN Textile DK Tekstil-materialer GR ΥΦΑΣΜΑ ES Textil P Тйхтеис CZ Textilie EST Tekstiil LV Tekstilmateriāls LT Tekstilė HU Textil M Tessut PL Material Włókienniczy SI Tekstil SK Textil BG текстил RO Textile </p>
---	--

դ) այլ նյութեր, որոնց գծապատկերը պետք է համապատասխանի 4-րդ նկարում ներկայացված պատկերին՝

 <p data-bbox="365 1459 446 1491">Նկար 4</p>	<p data-bbox="669 1081 893 1113">AM Այլ նյութեր</p> <p data-bbox="669 1123 958 1680"> F Autres matйriaux D Sonstiges Material IT Altre materie NL Overige materialen EN Other materials DK Andre materialer GR ΆΛΙΑ ΥΛΙΚΑ ES Otros materiales P Outros materiais CZ Ostatni Materiály EST Teised materjalid LV Citi materiāli LT Kitos medžiagos HU Egyйb anyag M Materjal iehor PL Inny materiał SI Drugi materiali SK Iný materiál BG всички други материали RO Alte materiale </p>
---	---

(5-րդ կետը փոփ, լրաց 04.08.11 N 1103-Ն)

6. Կոշկեղենի վերնամասի ու աստառի և միջատակի նյութերի դասակարգումը պետք է կատարվի սույն տեխնիկական կանոնակարգի 5-րդ և 7-րդ կետերի դրույթների հիման վրա՝ հաշվի չառնելով օժանդակ պարագաները և ամրություն ապահովող միջոցները, ինչպիսիք են կոճի մասի ներսում կարվող կտորները, եզրագարդերը, զարդանախշերը, ճարմանդները, հանգույցները, քուղերի անցքերը կամ նմանատիպ այլ մասեր:

Արտաքին ներքանի նյութերի դասակարգումը պետք է կատարվի սույն տեխնիկական կանոնակարգի 7-րդ կետի համաձայն՝ հիմք ընդունելով ներքանում պարունակվող նյութերի ծավալը:

7. Մականշվածքում պետք է նշվեն համապատասխան տեղեկություններ կոշկեղենի հիմնական բաղկացուցիչ մասերի այն նյութերի վերաբերյալ, որոնք կազմում են կոշկեղենի վերնամասի ու աստառի և միջատակի արտաքին մակերեսի առնվազն 80 տոկոսը և արտաքին ներքանի ծավալի առնվազն 80 տոկոսը: Եթե նյութերից և ոչ մեկը չի կազմում առնվազն 80 տոկոս, ապա տեղեկությունները պետք է նշվեն կոշկեղենի երկու հիմնական բաղկացուցիչ մասերի նյութերի մասին:

8. Տեղեկությունները նշվում են անմիջապես կոշկեղենի վրա: Արտադրողը կամ նրա լիազոր ներկայացուցիչը սույն տեխնիկական կանոնակարգի 4-րդ և 5-րդ կետերում նշված տեղեկությունները կարող է մակնշել ինչպես գծապատկերների տեսքով, այնպես էլ գրավոր նշումների տեսքով, որոնք տրվում են հայերենով կամ հայերենով և այլ լեզվով (լեզուներով):

Կոշկեղենի վրա նյութերի գծապատկերները պետք է գետեղված լինեն սույն տեխնիկական կանոնակարգով սահմանված երեք բաղկացուցիչ մասերի գծապատկերների հետ համատեղ:

9. Արտադրողը, մատակարարը կամ նրա լիազոր ներկայացուցիչը պետք է ապահովեն Հայաստանի Հանրապետությունում իրացվող Հայաստանի Հանրապետությունում արտադրվող և ներմուծվող կոշկեղենի հիմնական բաղկացուցիչ մասերի վերաբերյալ սույն տեխնիկական կանոնակարգի 4-րդ և 5-րդ կետերով սահմանված տեղեկատվության տրամադրումն սպառողին՝ հայերենով:

10. Մակնշումը կատարվում է յուրաքանչյուր կոշիկի գույգի առնվազն մեկ կիսագույգի վրա:
(10-րդ խմբ. 04.08.11 N 1103-Ն)

11. Մականշվածքը պետք է լինի չջնջվող, տեսանելի, իսկ գծապատկերների չափսերը պետք է լինեն բավականաչափ մեծ՝ այնտեղ պարունակվող տեղեկությունները պարզ ընթոնելու համար: Մականշվածքը չպետք է թյուրիմացության մեջ գցի սպառողին:

IV. ՊԵՏԱԿԱՆ ՎԵՐԱՀՄԿՈՂՈՒԹՅՈՒՆԸ

12. Վաճառքի համար նախատեսված կոշկեղենի վրա նշված հիմնական բաղկացուցիչ մասերի մականշվածքների առկայության և սույն տեխնիկական կանոնակարգի պահանջներին համապատասխանության պետական վերահսկողությունը պետք է իրականացվի «Համապատասխանության գնահատման մասին» Հայաստանի Հանրապետության օրենքով սահմանված կարգով:

(Հավելվածը փոփ., լրաց, խմբ. 04.08.11 N 1103-Ն)

Հայաստանի Հանրապետության
կառավարության աշխատակազմի
ղեկավար-նախարար

Մ. Թովուզյան